



## **CIRCULAR 84-2022.**

### **XIII CAMPIONATO XUNTA DE GALICIA DE MARATÓN**

- *A todas as Delegacións da FGA*
- *A todos/as os/as asembleístas*
- *A todos os clubs galegos con licenza vixente*
- *A todos/as os/as adestradores/as con licenza vixente*
- *A todos/as os/as xuíces/zas galegos/as con licenza vixente*

**Art.1).**- A Federación Galega de Atletismo, coa colaboración do Concello da Coruña organiza o Campionato Xunta de Galicia Absoluto, Sub23 (2000, 2001, 2002) e Máster (dende que cumbran 35 anos) individual e por Clubs Absoluto de Maratón que terá lugar na Coruña o vindeiro domingo día 2 de outubro de 2022.

**Art.2).**- Poderán participar todos os/as atletas das citadas categorías que o desexen que teñan licenza pola FGA na tempada 2022 ou atletas con licenza doutra autonomía pertencentes a clubs galegos.

**Art.3).**- O percorrido para a carreira de Maratón está situado no centro urbano da cidade da Coruña. A saída está prevista para as 8:00 nas proximidades a Porta Real.

**Art.4).**- Por motivos alleos á FGA, no é posible empregar o sistema de inscricións da RFEA. Polo que se habilita a seguinte pasarela de inscrición: [\(Ligazón\)](#) ata as 23:59 horas do luns 26 de setembro de 2022.

**Art.5).**- Entregaranse medallas aos/as tres primeiros atletas de cada categoría Máster, Sub 23 e absolutos. E trofeo os tres primeiros clubs masculinos e femininos sendo obrigatorio acudir ao protocolo de premios ao podio. No caso contrario, non se entregará nin as medallas nin os trofeos. A clasificación por clubs farase tomando como base a suma de tempos conseguidos polos/as tres primeiros atletas de un mesmo club (dos cales só un/unha pode ser estranxeiro/a). En caso de empate na clasificación o gañador será o club cuxo último/a corredor/a que puntúe quede mellor clasificado/a.

**Art.6).**- Os/as atletas deberán utilizar o dorsal outorgado pola organización de forma totalmente visible por diante, en toda a súa superficie. O incumprimento de esta norma poderá ser motivo de descualificación. Será responsabilidade dos atletas levar consigo imperdibles ou calquera outro sistema para a colocación do dorsal.

**Art.7).**- A organización establecerá distintos controis polo circuíto para o paso dos participantes.

**Art.8).**- A carreira estará controlada polo Comité Nacional de Xuíces da RFEA e o Comité Galego de Xuíces da FGA. Todas as reclamacións deberán facerse directamente ó xuíz árbitro da proba como máximo ata 30 minutos despois da publicación dos resultados.

**Art. 9).**- Por cuestións organizativas fíxase un tempo máximo para percorrer a distancia de 5 horas e 30 minutos dende o comenzo da proba. Así mesmo,



## **CIRCULAR**

Complexo Deportivo de Elviña, Avenida de Glasgow, 13  
15008 A Coruña. - T. +34 981 291 683 - federacion@atletismo.gal  
atletismo.gal - carreirasgalegas.com

establecerase un tempo de 2 horas e 45 minutos para o paso polo medio maratón. Pasado o tempo correspondente tanto ao primeiro tramo da carreira, como a distancia total, a persoa participante que siga en carreira deberá retirarse do circuíto oficial de competición.

**Art. 10).**- Os atletas participantes no Campionato de Galicia, deberán pasar por cámara de chamadas con identificación que estará aberta entre ás 7:30 e 7:45. Unha vez rematado este tempo, non se admitirá a participación do atleta agás casos debidamente xustificadas. O horario de cámara de chamadas poderá ser modificado en función do número de inscritos.

**Art.11).**- A responsabilidade das inscricións dos atletas, salvo que sexan independentes, corresponderá ao seu club. Aplicaranse as seguintes penalizacións polo incumprimento da normativa de inscricións:

- Nas 24 horas previas e no propio campionato calquera baixa ou a non participación final no Campionato terá unha sanción de 5 euros por proba, salvo causa xustificada e comunicada previamente por escrito á FGA [direcciontecnica@atletismo.gal](mailto:direcciontecnica@atletismo.gal)
- Os posibles cargos derivados do incumprimento na comunicación das posibles baixas, seguirán as consideracións establecidas na normativa técnica da FGA para a tempada 2022.
- Non acreditar a veracidade nas inscricións enviadas á F.G.A. (6 euros por atleta con datos falsos).
- Se non realiza a inscrición no prazo estipulado, deberá aboar 3 euros de recargo.
- A aceptación do participante por inscribirse fóra de prazo será competencia do director técnico, en función das características da proba onde se desexe inscribir o/a atleta, podendo ser esta denegada.

**Art.12).**- Todo o non disposto no presente regulamento resolverase, por esta orde, de acordo as normas da F.G.A., R.F.E.A. e W.A.

A Coruña, 2 de setembro de 2022

Carlos Castro Vicente  
Secretario da Comisión Xestora da Federación Galega de Atletismo